



RUDNICI MRKOG UGLJA «BANOVIĆI» d.d. BANOVIĆI

Ulica Armije BiH 52, 75290 Banovići; Bosna i Hercegovina;

Telefoni-Centrala: 00387 35 870-600; 875-010; Fax: 00387 35 875-166

Rješenje Kantonalnog suda Tuzla br: U/I-0891/98.

ID PDV broj: 209329530001

Identifikacijski broj: 4209329530001

Porezni broj: 03421100

www.rmub.ba



Broj: _____ / 14.
Banovići, _____ 2014.god.

Na osnovu Odluke Vlade Federacije Bosne i Hercegovine o proglašenju javnog interesa i pristupanju pripremi i izgradnji prioriternih elektroenergetskih objekata u Federaciji Bosne i Hercegovine („Službene novine Federacije BiH“, broj 8/10), Odluke Vlade Federacije Bosne i Hercegovine o pripremi i izgradnji RiTE Banovići, blok 1 - 300 MW („Službene novine Federacije BiH“ broj 17/10), Odluke o izmjeni i dopuni Odluke o pripremi i izgradnji RiTE Banovići, blok 1-300 MW („Službene novine Federacije BiH“ broj 26/10), Zaključka Vlade Federacije BiH, V. Broj 1416/2013 od 28.11.2013. godine, Odluke Nadzornog odbora Rudnika mrkog uglja „Banovići“ d.d. Banovići broj 1855/14 od 19.02.2014. godine, Rudnici mrkog uglja "Banovići" d.d. Banovići objavljuju slijedeći

JAVNI POZIV ZA IZBOR STRATEŠKOG PARTNERA ZA FINANSIRANJE I IZGRADNJU TERMoeLEKTRANE BANOVIĆI, BLOK 1 - 300 MW – PRETKVALIFIKACIONA FAZA

I

Rudnici mrkog uglja "Banovići" d.d. Banovići (u daljem tekstu: **RMU Banovići**) pristupaju provođenju Pretkvalifikacione faze izbora Strateškog partnera (u daljem tekstu: **Partner**) za finansiranje i izgradnju Termoelektrane Banovići, blok 1 - 300 MW (u daljem tekstu: **Projekat**).

II

Partnerstvo RMU Banovići sa izabranim Partnerom urediti će se posebnim ugovorom, a biti će zasnovano na principima utvrđenim u Odlukama iz preambule ovog Javnog poziva (u daljem tekstu: **Principi**), i to:

1. Prirodni resursi potrebni za funkcionisanje Projekta (voda, ugalj) ostaju u vlasništvu Federacije BiH.
2. RMU Banovići će u registru društava proširiti djelatnost i promijeniti firmu u RiTE "Banovići" d.d. Banovići, te izvršiti unutrašnju reorganizaciju u skladu sa Zakonom i Statutom RMU Banovići. Novoizgrađeni objekat Termoelektrane Banovići, blok 1 – 300 MW biti će u 100% vlasništvu RiTE „Banovići“ d.d. Banovići.
3. Izgrađeni objekat Termoelektrane Banovići, blok 1 – 300 MW biti će garancija za uložena sredstva, shodno Odluci Vlade FBiH.
4. Vlada Federacije Bosne i Hercegovine će razmotriti mogućnost obezbjeđivanja garancija za finansiranje Projekta.
Potrebne garancije će biti razmatrane nakon definisanja finansijske strukture Projekta.
5. Partnerstvo RMU Banovići sa Partnerom ostvariti će se na način da Partner osigura finansiranje i izgradnju objekta Termoelektrane Banovići, blok 1 – 300 MW. RMU Banovići će vraćati kredit pod uslovima koji će biti definisani ugovorom sa Partnerom.
6. U realizaciji Projekta izgradnje Termoelektrane Banovići, blok 1 – 300 MW Partner se obavezuje da ugradi najsavremeniju tehnologiju u skladu sa važećim propisima EU, a koja će zadovoljavati i sve međunarodne standarde po osnovu ekološke zaštite.

7. Partner se obavezuje da provede edukaciju i stručno usavršavanje kadrova za upravljanje i održavanje Termoelektrane Banovići, blok 1 – 300 MW.

III

Izbor Partnera će se izvršiti na osnovu Međunarodnog otvorenog javnog tendera (u daljem tekstu: **Tender**), koji će se odvijati u četiri faze:

- **I faza: Prekvalifikacija u okviru koje se utvrđuje lista kvalificiranih kandidata.**

Rok za podnošenje prijave u skladu sa Prekvalifikacionim dokumentom (u daljem tekstu: **Prijave**) je 45 dana od dana objavljivanja Javnog poziva u Službenom glasniku Bosne i Hercegovine.

- **II faza: Prikupljanje preliminarnih tehničko – tehnoloških i finansijskih ponuda od kvalificiranih kandidata**

Rok za dostavu preliminarnih tehničko – tehnoloških i finansijskih ponuda od strane kvalificiranih kandidata će biti utvrđen Tenderskom dokumentacijom, 45 dana od dana prijema poziva za dostavu ponuda.

- **III faza: Prikupljanje finalnih tehničko – tehnoloških i finansijskih ponuda, evaluacija i prijedlog izbora Strateškog partnera**

Rok za dostavu finalnih tehničko – tehnoloških i finansijskih ponuda od strane kvalificiranih kandidata će biti utvrđen Tenderskom dokumentacijom.

- **IV faza: Pribavljanje saglasnosti na prijedlog odabira Strateškog partnera i izbor Strateškog partnera**

IV

Od zainteresiranih kandidata (u daljem tekstu: **Podnosilaca prijave**) tražit će se da ispune slijedeće kvalifikacione kriterije, kao uslov za učešće u II fazi izbora – Prikupljanje preliminarnih tehničko – tehnoloških i finansijskih ponuda od kvalificiranih kandidata:

1. Da je u zadnjih 5 (pet) godina profesionalno osposobljen da se bavi jednom ili više od dole navedenih djelatnosti:

- proizvodnja električne energije,
- prijenos električne energije,
- distribucija električne energije,
- trgovina ili snabdijevanje električnom energijom,
- proizvodnja opreme za termo-energetske objekte na ugalj,
- izgradnja termo-energetskih objekata na ugalj,
- finansijsko/robno investiranje u slične termo-energetske objekte

ili

ako je Podnosilac prijave Konzorcij (u daljem tekstu: **Konzorcij**), lider Konzorcija (u daljem tekstu: **Lider Konzorcija**) mora dokazati da je u zadnjih 5 (pet) godina profesionalno osposobljen da se bavi jednom ili više od navedenih djelatnosti;

2. Da je ostvario prihod iz navedenih djelatnosti u posljednje 3 (tri) godine u iznosu od minimalno 1.000.000.000 (slovima: jedna milijarda) EUR-a godišnje,

ili

ako je Podnosilac prijave Konzorcij, Lider Konzorcija mora imati ostvaren prihod iz navedenih djelatnosti u posljednje 3 (tri) godine u iznosu od minimalno 500 miliona (slovima: pet stotina miliona) EUR - a godišnje;

3. Da je Podnosilac prijave ostvario pozitivan rezultat poslovanja u posljednje 3 (tri) godine;

4. Da ima u vlasništvu/suvlasništvu jedan ili više proizvodnih elektroenergetskih objekata, od kojih je minimalno jedan termo-energetski objekat, instalisane snage 300 MW ili više,

ili

da je proizveo i isporučio glavnu opremu ili izgradio ili upravlja/održava minimalno jedan termo-energetski objekat instalisane snage 300 MW ili više u posljednjih 7 (sedam) godina,
ili

da je finansirao izgradnju minimalno jednog termo-energetskog objekata slične složenosti ili vrijednosti;

5. Da prihvata partnerstvo na principu vraćanja kreditnih sredstava u novcu;

6. Da prihvata investicionu i okolinsku dokumentaciju koja je do sada urađena za Projekat, a koja je u vlasništvu RMU Banovići (na nivou Idejnog projekta sa investicionim programom i studijom uticaja na okoliš), kao polaznu osnovu za daljnju realizaciju projekta;

7. Da prihvata principe Strateškog partnerstva iz tačke II Javnog poziva;

8. U realizaciji Projekta Partner se obavezuje da će maksimalno koristiti resurse iz BiH (radna snaga i privredna društva).

Dokazi za ispunjavanje navedenih kvalifikacionih kriterija – uslova za učešće su navedeni u Pretkvalifikacionom dokumentu koji je na raspolaganju od momenta objave ovog Javnog poziva na adresi:

Rudnici mrkog uglja "Banovići" d.d. Banovići
Služba za praćenje investicija izgradnje
termoelektrane i tvornice cementa
Armije BiH, 52
75290 Banovići
Bosna i Hercegovina

V

Pretkvalifikacioni dokument se može preuzeti na naznačenoj adresi, primiti na adresu naznačenu u zahtjevu ili preuzeti na web stranici RMU Banovići na adresi: www.rmub.ba. Ovaj Javni poziv objavljen je u Službenom glasniku BiH, sredstvima javnog informisanja, i to u najmanje jednim dnevnim novinama u BiH, Tenders Electronic Daily (TED), Agenciji za unapređenje stranih investicija u Bosni i Hercegovini (FIPA) i na web stranici RMU "Banovići" d.d. Banovići.

VI

Rok za dostavu Prijave sačinjene u skladu sa Pretkvalifikacionim dokumentom je do 12:00 sati, po lokalnom vremenu, **10.04.2014.god.**, na slijedećoj adresi:

Rudnici mrkog uglja „Banovići“ d.d. Banovići, Armije BiH 52, 75290 Banovići, Bosna i Hercegovina.

VII

Dostavljene Prijave će biti javno otvorene, od strane Stručne komisije imenovane od strane RMU Banovići, istog dana u 13:00 sati u prostorijama RMU Banovići (Armije BiH 52, sala 34 - Direkcija RMU „Banovići d.d. Banovići, 75290 Banovići), u skladu sa Pretkvalifikacionom dokumentacijom.

VIII

Dostavljene Prijave će biti evaluirane od strane Stručne komisije u skladu sa procedurama i kriterijima definisanim u Pretkvalifikacionoj dokumentaciji. Učesnici pretkvalifikacije koji zadovolje kvalifikacione kriterije (u daljem tekstu: **Kandidat-Kvalificirani Podnosilac prijave**) biti će pozvani u II fazu izbora Partnera i sa istim će biti potpisan Sporazum o čuvanju povjerljivih podataka, te će im biti dostavljena Tenderska dokumentacija.

IX

Ovaj poziv ni na koji način ne obavezuje RMU Banovići da kvalifikuje, odabere i prihvati bilo koju zainteresovanu stranu koja učestvuje u pretkvalifikacionom postupku.

X

RMU Banovići zadržava isključivo pravo da po sopstvenom nahođenju i u bilo kom trenutku donese odluku o dopuni, odustajanju, završetku ili obustavi ovog Pretkvalifikacionog postupka i/ili II, III i IV faze izbora Partnera.

XI

Sve dodatne informacije po ovom Javnom pozivu se mogu dobiti od:

RMU "Banovići" d.d. Banovići,

Armije BiH 52.

75290 Banovići,

Bosna i Hercegovina

Kontakt osoba: Avdija Mumić,

Rukovodilac Službe za praćenje investicija izgradnje termoelektrane i tvornice cementa,

tel: +38735 870 318;

fax: +387 35 876 996;

e-mail: avdija.mumic@rmub.ba

Cjelokupna komunikacija i razmjena informacija između Podnosilaca prijave i RMU Banovići treba se voditi u pisanoj formi, na način da se ista dostavlja poštom, e-mail-om ili lično na gore naznačenu adresu. Sve izmjene i dopune ovog Javnog poziva, kao i odgovori na postavljena pitanja i pojašnjenja Pretkvalifikacione dokumentacije biti će dostavljeni svim registrovanim Podnosiocima prijave i objavljeni na web stranici RMU „Banovići” d.d. Banovići na adresi: www.rmub.ba

XII

Pretkvalifikaciona dokumentacija je dostupna Podnosiocima prijave isključivo za upotrebu na pripremi i dostavi Prijave za pretkvalifikaciju za izbor Partnera.

XIII

RMU Banovići neće snositi odgovornost prema Podnosiocu prijave za naknadu, ili kompenzaciju bilo kakvih troškova, ili izdataka koje je Podnosilac prijave imao prilikom pripreme i dostave prijave, uključivo i njegovo sopstveno vrednovanje Projekta ili korištenja Pretkvalifikacione dokumentacije, ili na neki drugi način u vezi sa Projektom, kako je ovdje navedeno.

DIREKTOR

Dr. Munever Čergić, dipl.inž.rud.

Transakcijski računi:

161 0250 007 190075 Raiffeisen bank d.d. BiH, filijala Tuzla
132 1300 309 179345 NLB Banka d.d. Tuzla, filijala Banovići
187 2000 000 044917 Postbank BH d.d. Sarajevo, filijala Živinice
154 3602 003 310866 Intesa Sanpaolo banka d.d. BiH
555 0530 049 467130 Nova banka AD Banja Luka, ekspozit. Tuzla

306 0450 000 163538 Hypo Alpe Adria bank Bosnia d.d.
140 4010 018 681113 Sberbank BH d.d. Sarajevo
186 0001 048 962098 Turkish Ziraat bank Bosnia d.d.
338 4402 212 197081 UniCredit banka d.d. Mostar

